



STATEN di ARUBA

Fraccion di Movimiento Electoral di Pueblo

STATEN VAN ARUBA	
Ingek.	08 JAN. 2010
Volgnr.	ISI 350/09-10
Par.	

Na Presidente di Parlamento
Sr. R.A. Lee
Presente

Aruba, 8 januari 2010

Topico: preguntanan relaciona cu maneho di gobierno pa cu control di trafico

Respetable Presidente,

Pa medio di e carta aki suscrito, den nomber di miembronan di Fraccion di MEP den Parlamento, ta haci un peticion na bo persona pa entrega e siguiente preguntanan dirigi na Minister di Husticia, a base di articulo III.17 di nos Constitucion, y articulo 59 di Reglamento di Ordo di Parlamento.

Atentamente,

ing. E. Briesen

drs. M. J. Lopez-Tromp


mr. X. J. Ruiz-Maduro

N.J.J. Swaen, Bac.




Handwritten signature in blue ink, consisting of a large loop followed by a horizontal line.

mr. J.E. Thijsen




Handwritten signature in blue ink, featuring a long horizontal line with a large loop at the end.

drs. C.A.S. D. Wever



Handwritten signature in blue ink, characterized by multiple overlapping loops.

mr. E. C. Wever-Croes



Handwritten signature in blue ink, showing two distinct loops followed by a horizontal line.

drs. M.G. Wyatt-Ras

PREGUNTANAN NA MINISTER DI HUSTICIA RELACIONA CU MANEHO DI CUERPO POLICIAL PA CU CONTROL DI TRAFICO

Pa medio di un comunicado di prensa di diamars, 5 januari 2010, den e corant Bon Dia Aruba, nos Fraccion a tuma nota di e maneho di Cuerpo Policial cu ta aplicando un maneho preventivo den control di trafico. Segun Comisario di Polis, Cuerpo Policial no ta duna boet na un persona cu ta viola leyman di trafico, sino ta dune un aviso.

Esaki mientras cu den e ultimo dos lunanan di 2009 nos pais a conose un redoblacion di e cantidad di morto den trafico, compara cu e prome 10 lunanan di 2009, y ya den apenas algun dia tin un morto di trafico caba den 2010.

Y mientras cu especialmente nos fraccion a hasi un apelacion fuerte riba gobierno pa tuma accion liher pa evita mas accidentenan tragico. Nos a sugeri gobierno pa percura pa tin mas polis y zwaailicht riba caya, pa pone baricadanan pa forsa automobilistanan pa core mas poco poco, pa bin cu campananan di concientisacion agresivo inmediatamente. Lamentablemente nos por a nota cu gobierno a sigi solamente un di e sugerencianan aki.

Gobierno a anuncia cu Cuerpo Policial lo tene controlnan riguroso, pa evita e accidentenan tragico aki, pero toch awor nos por constata cu Cuerpo Policial no ta eherciendo e controlnan severo manera a wordo anuncia.

Mirando esaki nos fraccion tin e siguiente preguntanan, a base di articulo III.17 di nos Constitucion y articulo 59 di Reglamento di Ordo di Parlamento di Aruba.

1. Minister por informa nos fraccion kiko e maneho preventivo aki di Cuerpo Policial ta exactamente?
2. Minister por informa nos si e maneho aki ta conta pa tur hende, of solamente pa e Minister cu aparentemente a viola reglanan di trafico?
3. Minister por informa Parlamento si no ta mihor pa precisamente den e dianan aki tin un control mas severo di polis, y no solamente un control preventivo?
4. Minister por confirma na Parlamento cu e Minister cu a viola ley di trafico coriendo cu un velocidad demasiado halto ta Minister Richard Visser?
5. Minister por informa Parlamento dicon no a hasi un prueba di alcohol cu e Minister, mescos cu serca cualquier otro ciudadano?
6. Minister ta di acuerdo cu awor cu no a hasi un test di alcohol, no por descarta 100% cu e Minister tawata bow di influencia di alcohol na momento cu polis a para e Minister?
7. Minister por informa Parlamento cu cual velocidad e Minister en cuestion tawata conduci su auto na momento cu polis a pare?

8. Minister por informa Parlamento si e maneho preventivo aki ta aplicable pa tur ciudadano, tambe esnan cu den ultimo dianan a wordo para caba, y ta wardando nan boet yega? Cu otro palabra, e personanan aki tambe por hasi un apelación na Gobierno pa no mester paga e boet, mescos cu e caso di e Minister en cuestion?


9. Minister por informa Parlamento kiko gobierno a hasi y ta haciendo pa por minimaliza e cantidad di accidentenan di trafico tragico?

Nos ta spera di por ricibi un contesta extenso riba e preguntanan aki por escrito, mas liher cu ta posible.

Atentamente,




ing. E. Briesen



drs. M. J. Lopez-Tromp




mr. X. J. Ruiz-Maduro




N.J.J. Swaen, Bac.




mr. J.E. Thijsen



drs. C.A.S. D. Wever



mr. E. C. Wever-Croes



drs. M.G. Wyatt-Ras